

THE SWINGIN BOYS TIN SU PROPIO ESTILO...



**** Riba foto nos por aprecia d.r.p.d. Frank Mejia, Arturo Calmes, Mario Lopez, Tico Guerrero, Ricardo Luydens, Leonso Kelly...**

**** The Swinging Boys** ta un agrupacion musical cu tin nan propio estilo. Nan repertorio musical ta varia entre musicanan di come back, hitnan di momento, y tambe propio inspiracion.

The Swinging Boys ta cosechando hopi exito na fiestanan familiar, na unda nan ta gozando di un popularidad pa nan forma unico den nan estilo pa anima un bon ambiente festivo.

DEN AMBIENTE a realisa un entrevista exclusivo cu e gran musico Ricardo Luydens, kende tin un trayectoria di mas cu 40 aña den e mundo di musica. Ricardo artisticamente conoci pa "tremendo Cay", ta director musical di The Swinging Boys.

The Swinging Boys ya tin hopi aña di existencia, na unda ultimo nan tabata conoci bao di Tico Guerrero y su Swinging Boys. Pero recientemente e agrupacion musical a dicidi pa reorganisa cu otro musicantenan, y nan a opta pa carga nan titulo como The Swinging Boys.

E tremendo cantante Tico Guerrero famoso conoci pa "El negrito picante" ketu bay ta causando furor cu su canto y voz den estilo come back". Ricardo y Tico practicamente ta e dos pilaarnan di The Swinging Boys pa mas cu 20 aña.

Actualmente e constelacion nobo di The Swinging Boys ta constisti di Tico Guerrero como cantante y ritmico.

Mario Lopez e talento scondi conoci como "Ala garga" ta nan bajista y tambe ta interpreta cancionnan di actualidad y propio inspiracion pa asina duna e repertorio mas variacion.

Frank Mejia tocado di quitara acusto, tambe recientemente a bin forma parti di e banda. Segun Cay, cu ta trata di un tremendo musico.

Arturo Calmes considera como e Rey Bareto di Aruba, tin e tarea pa trese e harmonia musical riba su conga's y bongo. Arturo ta un musico cu tin e amplio experencianan pa domina e dos instrumentonan aki, ya cu el a yega di compana varios artistanan di caliber nativo di Cuba.

Leonsio Kelly tambe ta un di e talentoso integrante cu ta forma parti di The Swinging Boys. Leonso ta un magnifico tocado di timbal, cual instrumento ta garga manera un bateria na momento cu Leonso cuminsa improvisa.

Ricardo "El tremendo Cay" Luydens kende ta director musical, ta un musico popular cu ta domina e fascinante instrumento Tre, y tambe ta interpreta cancionnan

propio inspiracion.

E forma tremendo y aceptabel cu The Swinging Boys ta moviendo y cosechando, ta duna nan e satisfaccion y empuhe pa muy pronto drenta den studio di grabacion. Intencionnan ta serio pa dentro poco, lansanan nan prome discografico riba plaza.

Aunke nan schedule ta hopi

yen, tog nan tin algun fechanan habri pa loke ta trata e demas lunanan venediro. Por yama libremente Ricardo Luydens na tel: 25910, y reserva bo pachanga na tempo.

The Swinging Boys ta garantisa bo fiesta den un ambiente sin presedente, na unda e pista ta keda full den swing..



**** The Swinging Boys den full swing den nan propio estilo ritmico..**

AMBIENTE ARUBIANO CU PAPITO Y SU DOBLE SABOR DEN TROPICANA SHOWROOM....

**** Awenochi tur e bon ARUBIANONAN**, cu ta gusta aprecia y baila loke ta di nan, ta keda cordialmente invita pa un tremendo AMBIENTE ARUBIANO, den e agradabel TROPICANA SHOWROOM.

E tremendo noche Arubiano aki ta start sali for di 11'or di anochi y lo termina te den oranan di mainta !

E muchanan criollosisimo di PAPITO Y SU DOBLE SABOR lo percura pa tur hende pasa un anochi


inolvidable.

Ata fiesta! un ambiente ameno cu bo no por perde riba bo fecha glorioso di nos Himno y Bandera, anto den un di e lugarnan mas tranquilo, y netamente ARUBIANO..

Den Ambiente



JAN POETS



Ta Desea

Henter Pueblo Di Aruba

Un Feliz Dia Di Himno Y Bandera